

之外交家與學者。皆無所異議。然則中國今日。亦當明發命令。以十海里爲領海。使文武官吏。有所率循。而渤海大灣。深入陸地。亦當完全用內海之例。不限十海里之說。絕對禁止交戰國戰艦之停泊與交戰。嗚呼。此亦鞏固海權之一大機會也。

釋租借地 錄神州日報

嗚呼。吾國之租借地。亦磳磳乎不少矣。自中俄密約披露以還。金甌告缺。鐵牡不關。膠澳則首租於德。旅大則始付於俄。九龍威海則續借於英。廣州則又貸於法。當其時。雖玉斧劃河。珠巖棄郡。然猶能丹冥投烽。青微釋警。迄至近日。奧塞失和。禮蘭蝸爭。始而三同盟國與三協商國角逐。繼而二同盟國復與三同盟國角逐。虎視龍超。雷駭電逝。而雞犬不驚之膠澳。亦捲入洪濤巨浪之中。由是宋君亡珠。波及池魚。楚國失援。禍延林木。如黃掖龍口。咸被祝聃之逼。萊州雜縣。亦遷紫陌之驚。噫。劍躍長虹。弓翻滿月。長勺之旌旗頻來。臥榻之主人誰是。無已。試釋租借地之性質。

27115
租借地者何。卽借受他國之領土之謂也。此等詭詐行爲。在古代實乏其例。自一千八百八十八年。英國一股份公司在桑給巴爾王國 Zanzibar 始告蕙萌。其餘者則惟有年摧蒲柳之中國繼之。至對於租借二字之解釋。歐諸歐儒學說。多墜於黠敲而作垂甍塞廡之論。帖拔攝曰 Des Pagnet 租借地者。土地割

讓之一種也。唯爲避他國猜嫌。故用租借之名。俄賓海摸曰。

Oppenheim 租借地者。割讓之代名詞也。閱其實質。而確與

割讓無別。維士特列克曰。Weylände 借有國既建設城寨。使

其土地供平戰之用。安得尙謂之借地。羅連士 Lawrence 著日

俄戰役評論。論旅順大連之租借曰。租借地雖有期限。而其期

限之眞意。乃在永佔。是以租借地爲永久期限之割讓。皮禮

Pilo 與弗休 Fauchille 所刊行一般之國際法雜誌曰。借地者

既不交付借金。又不確定期限。是非借地。而實爲割讓地。其

他如德之黎斯德。日本之高橋作衛。莫不前于後唱。附和雷同。

若準是等謬說。則是我國之借與地。如欲希其暗歸楚弓也。詎

非如可憐無定河邊骨。猶是深閨夢裏人乎。噫。是不然。吾嘗

聆諸中村氏曰。國際法上之有條約。亦猶私法上之有契約。其

文字之解釋。不能纖芥註混。如一六七八年之英荷攻守條約。

荷不助英之動方攻擊。而英無如之何。一八一六年之英美捕魚

條約。英不許美以密網捕獲。而美亦無如之何。其所以然者。皆

由於誤釋條約之文字。故等諸畫脂餽冰之無功。若割讓之條約。

其中文字之眞髓。乃實與租借之條約大差。割讓者。因戰爭後

之結果。得繼續而享有此地。故有承繼的取得之稱。租借者。

如期限一朔。卽當歸還。故祇可謂之爲一時占有。不能謂之爲

永久取得。不特此也。凡割讓之地。其原有國之主權。必盡歸

消滅。如鴉片戰爭所割讓之香港。其主權不能不歸英。中日戰

爭所割讓之臺灣。其主權不能不屬日。若租借者。不過租借國

暫時借得領土。其獨立不抗之主權。是猶握諸原有國之指掌。安得以鯨牛疑虎。白骨疑象。謂砮玉爲不可分。苟據斯說。是白馬之盟雖誤。而合浦之珠猶還。又何必生楚莊縣陳趙幟易漢之愜。雖然。瀛寰之風雲。日多變幻。世界之公理。久已淪亡。以理論上言之。固自可期。若以事實上言之。則實吾人所不敢斷。嗟嗟。死者不可復生。斷者不可復續。吾讀漢詔。不能不爲吾國之租借地哀。不能不爲吾國之良好軍港惜。

論中國習用幼年勞工之非計 錄時事新報譯論

頃閱香港電音報。評論中國習用幼年勞工之非計。詞正意美。足爲吾國實業界之借鑒。逡述於左。以告從事斯業者。

中國今日之實業。非已從事改良乎。際茲國中實業日新月異之秋。正宜及時將雇用幼年勞工問題。嚴加取締而處置之。但中國人民。以穉年之童。驅任勞工。已成爲全國通常之習慣。僉以爲不如此必致青年子弟。遊蕩以終其身。查西洋文明各國。教育法律。限制極嚴。凡遇子弟已及教育年齡者。必強迫令其入學。若以青年子弟。草率服勞如中國者。則在必禁之例。然中國人則異是。在中國之爲父母者。且樂令其子弟驅爲牛馬之役。亦以中國人亦貧者過多。故對於子弟。苟獲一噉飯處。卽歡迎鼓舞而已。遑問其利害之關係。此殆由生計之迫促。以不如此。卽不可得微利以供家人之飽暖也。夫以未成年之子弟。使之服應勞工。其於種族上之損害。固不待言。至如戶外工作

流毒。尙屬第二問題。其流弊最甚者。莫若工廠之雇工。蓋工廠一般被雇之人。皆受用於苛酷條例之下者也。故日本工廠律。防禁極嚴。卽如現在之法制。對於此項規則。尤爲注意。彼婦女或幼童者。咸視被雇於資本家爲大恥。然在中國。則初無幼年工人之制裁。使中國苟欲規訂此項制裁之法。則宜採取西國成規仿效之。當能收美滿之效。吾人竊望其早日締訂之也。

且中國工業界。利用幼年雇工問題。閱者當憶上海公論西報之一議論矣。嘗謂上海工廠之餘利。有派至五成之巨者。而其雇用工人。乃多以婦人幼童充其數。而作工時間。竟有延至十二小時者。彼工人爲謀食起見。對於靈魂與軀壳。皆在所弗恤。甚至工事迫促時。竟無暇進食。廣東漢口及其餘工業重要之區。往往如是。惟香港一埠。此種惡劣工廠。或不多觀耳。

然本報嘗查南通工廠矣。南通工廠。乃與以上所言者異。聞該處工廠。大半係農商總長張謇氏所辦。張氏對於此項工廠。大費經營。其棉廠作工時。以嚴格限制之。工人進食時間。亦有定規。一般植棉農家。與工廠間互相協助。深得交互爲利之效。顧此種工廠。純粹華人之管業。其管理之善。成效之佳。實足爲中國實業前途賀。乃他工廠多不願以南通之廠爲其模範。此又不可解也。雖然。若輩試一發天良。其對於全國人民。或不能無惕於中耳。